

### III. OUTRAS DISPOSICIÓNS

#### CONSELLERÍA DE CULTURA, EDUCACIÓN E ORDENACIÓN UNIVERSITARIA

*RESOLUCIÓN do 13 de xaneiro de 2016, da Dirección Xeral de Educación, Formación Profesional e Innovación Educativa, pola que se convoca a proba para a obtención do título de bacharel para maiores de vinte anos e se ditan instrucións para a súa realización.*

A Orde do 10 de febreiro de 2012, pola que se regula a proba para a obtención do título de bacharel para persoas maiores de vinte anos, establece os obxectivos e características desa proba e prevé no seu artigo 4 que a Dirección Xeral de Educación, Formación Profesional e Innovación Educativa realizará a convocatoria ou as convocatorias anuais desta, sinalando os centros onde terán lugar e as súas datas de inscrición e de realización.

En consecuencia, e ao abeiro da autorización que figura na disposición derradeira primeira da mencionada orde,

#### RESOLVO:

Convocar a proba para a obtención do título de bacharel para maiores de vinte anos no ano 2016, nas modalidades de Ciencias e tecnoloxía e Humanidades e ciencias sociais, conforme se dispón nas epígrafes seguintes:

1. Condicións das persoas aspirantes.

1. Poderán participar nestas probas as persoas que cumpran os seguintes requisitos:

a) Ser maior de 20 anos ou cumprir esa idade no ano 2016.

b) Non estar en posesión do título de bacharel ou de calquera outro título declarado equivalente para os efectos académicos.

c) Non estar a cursar ensinanzas de bacharelato en ningunha das súas modalidades ou réximes nin ter estado matriculado nesas ensinanzas no curso escolar 2015/16.

O incumprimento dalgún destes requisitos suporá a anulación da inscrición na convocatoria das probas e dos posibles resultados académicos obtidos nelas.



2. Os aspirantes poderán matricularse dos dous exercicios que integran a proba ou dun deles.

Poderanse matricular tamén na proba, para realizar o exercicio correspondente ás materias comúns, os aspirantes que teñan superadas as materias de modalidade de calquera das dúas vías da modalidade de Artes.

2. Forma, lugar e prazo de presentación.

1. O prazo de presentación das solicitudes será entre o 18 de febreiro e o 3 de marzo de 2016.

2. As solicitudes deberán presentarse en soporte papel, de acordo co modelo que se incorpora como anexo I a esta resolución, nos centros sinalados no punto 3 desta epígrafe ou por calquera dos medios establecidos no artigo 38.4 da Lei 30/1992, do 26 de novembro, de réxime xurídico das administracións públicas e do procedemento administrativo común, utilizando o formulario normalizado dispoñible na sede electrónica da Xunta de Galicia, <https://sede.xunta.es>.

3. Os centros onde se pode presentar a solicitude son os seguintes:

- a) Centro EPA Eduardo Pondal, rúa Pepín Rivero 3, 15003 A Coruña.
- b) IES San Clemente, rúa San Clemente s/n, 15705 Santiago de Compostela.
- c) Centro EPA Albeiros, parque da Milagrosa s/n, 27003 Lugo.
- d) Centro EPA de Ourense, rúa Álvarez de Sotomayor 4, 32002 Ourense.
- e) Centro EPA Río Lérez, avenida de Buenos Aires 26, 36002 Pontevedra.
- f) Centro EPA Barbés, rúa Marqués de Valterra 8-1º, 36202 Vigo.

3. Consentimentos e autorizacións.

1. A tramitación do procedemento require a incorporación de datos en poder das administracións públicas. Polo tanto, os modelos de solicitude incluírán autorizacións expresas ao órgano xestor para realizar as comprobacións oportunas que acrediten a veracidade dos datos. No caso de que non se autorice ao órgano xestor para realizar esta operación,



deberán achegarse os documentos comprobantes dos datos, nos termos exixidos polas normas reguladoras do procedemento.

2. As solicitudes das persoas interesadas deberán achegar os documentos ou informacións determinados no punto 3 desta epígrafe, salvo que estes xa estivesen en poder da Administración xeral e do sector público autonómico de Galicia; neste caso, a persoa solicitante poderá acollerse ao establecido no artigo 35.f) da Lei 30/1992, do 26 de novembro, de réxime xurídico das administracións públicas e do procedemento administrativo común, sempre que se faga constar a data e o órgano ou a dependencia nos que foron presentados ou, se é o caso, emitidos, e cando non transcorresen máis de cinco anos desde a finalización do procedemento ao que correspondan.

Nos supostos de imposibilidade material de obter o documento, o órgano competente poderá requirirlle á persoa solicitante a súa presentación ou, no seu defecto, a acreditación por outros medios dos requisitos a que se refire o documento, con anterioridade á publicación das listas provisionais de persoas admitidas.

3. Xunto coa solicitude, achegárase a seguinte documentación:

- a) Copia do DNI ou doutro documento equivalente cando non se autorice a súa consulta.
- b) Certificación do ditame de discapacidade no caso de que se solicite o recoñecemento de necesidades especiais, cando esta fose recoñecida por outra Administración distinta da Xunta de Galicia ou non se autorice a súa consulta.
- c) Acreditación de proceder doutra comunidade autónoma ou dun país estranxeiro no caso de solicitar a exención das materias de Lingua galega e literatura I e II.
- d) Se procede, certificacións académicas ou copia compulsada do libro de escolaridade e/ou historial académico, onde se acredite ter superado materias para validar algún exercicio.

4. Datos de carácter persoal.

De conformidade coa Lei orgánica 15/1999, do 13 de decembro, de protección de datos de carácter persoal, os datos persoais recollidos na tramitación desta disposición, cuxo tratamento e publicación autoricen as persoas interesadas mediante a presentación das solicitudes, serán incluídos nun ficheiro denominado *Alumnado* cuxo obxecto é xestionar o



presente procedemento, así como informar as persoas interesadas sobre o seu desenvolvemento. O órgano responsable deste ficheiro é a Secretaría Xeral Técnica da Consellería de Cultura, Educación e Ordenación Universitaria. Os dereitos de acceso, rectificación, cancelación e oposición poderanse exercer ante a Secretaría Xeral Técnica da Consellería de Cultura, Educación e Ordenación Universitaria, mediante o envío dunha comunicación ao seguinte enderezo: Edificio Administrativo San Caetano s/n, 15781 Santiago de Compostela ou a través dun correo electrónico a [sxeefp@edu.xunta.es](mailto:sxeefp@edu.xunta.es).

#### 5. Listas de admitidos e reclamacións.

1. Concluído o prazo de presentación de solicitudes, o tribunal celebrará unha sesión para determinar as listas provisionais de persoas admitidas e excluídas, con expresión neste último caso das causas que motivaron a exclusión.

2. No prazo de quince días posteriores á conclusión do prazo de presentación de solicitudes, o tribunal publicará esas listas (anexo II).

Xunto coa relación de persoas admitidas indicaranse os exercicios validados coa nota correspondente e as exencións da materia de Lingua galega e literatura (I e II), de conformidade coa documentación presentada. A equivalencia entre as materias superadas no bacharelato e os exercicios da proba aparece no anexo III desta resolución.

3. O tribunal resolverá as reclamacións que se presenten, concedendo un prazo de emenda e mellora das solicitudes de tres días hábiles a partir do día seguinte ao da publicación da relación.

4. A sede electrónica da Xunta de Galicia ten á disposición das persoas interesadas unha serie de modelos normalizados dos trámites máis comunmente utilizados na tramitación administrativa (<https://sede.xunta.es/modelos-normalizados>), que poderán ser presentados en calquera dos lugares e rexistros establecidos no artigo 38.4 da Lei 30/1992, do 26 de novembro, de réxime xurídico das administracións públicas e do procedemento administrativo común.

5. Unha vez resoltas as reclamacións, o tribunal publicará no centro correspondente a lista definitiva dos aspirantes inscritos e remitirá o anexo IV desta resolución á xefatura territorial correspondente e ao correo electrónico [educadultos@edu.xunta.es](mailto:educadultos@edu.xunta.es) do Servizo de Xestión Económica e Educación de Persoas Adultas da Dirección Xeral de Educación, Formación Profesional e Innovación Educativa.



6. Xunto coas listas de admitidos, informaranse os aspirantes do material que se pode utilizar na realización da proba, como se especifica na epígrafe 9.4 desta resolución.

#### 6. Tribunais.

1. A xefatura territorial da Consellería de Cultura, Educación e Ordenación Universitaria na Coruña nomeará o tribunal encargado de avaliar a proba, con sede no instituto San Clemente, de Santiago de Compostela.

2. Á vista das especialidades dos vogais do tribunal, a presidencia deste propondrá á xefatura territorial, para o seu nomeamento, os asesores especialistas das distintas materias necesarios para colaborar na corrección dos exercicios.

3. Os membros do tribunal e os asesores especialistas poderán percibir axudas de custo por asistencia e axudas para gastos de locomoción por concorreren ás sesións de avaliación, consonte o Decreto 144/2001, do 7 de xuño, sobre indemnizacións por razón do servizo ao persoal con destino na Administración autonómica de Galicia, e o Decreto 96/2011, do 5 de maio, polo que se modifica o Decreto 144/2001 do 7 de xuño.

4. A Dirección Xeral de Educación, Formación Profesional e Innovación Educativa, á vista dos aspirantes inscritos, poderá establecer outros tribunais cando sexan necesarios para a celebración da proba.

#### 7. Celebración da proba.

A proba celebrarase o día 22 de abril de 2016 en sesións de mañá e tarde no IES San Clemente de Santiago de Compostela.

#### 8. Características da proba.

1. A proba organizarase de xeito diferenciado segundo as dúas modalidades de bacharelato para as que se convoca.

2. A proba constará de dous exercicios: o primeiro deles terá unha duración de cinco horas e o segundo, de tres horas trinta minutos. Entre os dous exercicios haberá un descanso de dúas horas.



3. Os contidos dos exercicios terán como referente os aspectos básicos do currículo recollido no Decreto 126/2008, do 19 de xuño, polo que se establece a ordenación e o currículo do bacharelato na Comunidade Autónoma de Galicia.

4. Primeiro exercicio, de materias comúns.

a) Primeira parte: Lingua galega e literatura. Incluirá cuestións que medirán as habilidades e destrezas de expresión e comprensión e as capacidades de reflexión sobre aspectos lingüísticos, de interpretación crítica de textos e de análise e recoñecemento das características textuais. Tamén conterá preguntas sobre movementos literarios, obras e autores relevantes da literatura galega, nas que se valorarán as capacidades de comparación, interpretación e valoración crítica do aspirante.

b) Segunda parte: Lingua castelá e literatura. Incluirá cuestións que medirán as habilidades e destrezas de expresión e comprensión e as capacidades de reflexión sobre aspectos lingüísticos, de interpretación crítica de textos e de análise e recoñecemento das características textuais. Tamén conterá preguntas sobre movementos literarios, obras e autores relevantes da literatura en lingua castelá, nas que se valorarán as capacidades de comparación, interpretación e valoración crítica do aspirante.

c) Terceira parte: Lingua estranxeira. A partir dun texto ou textos propostos, o aspirante deberá demostrar as súas capacidades de comprensión e expresión escritas na lingua obxecto de exame, que poderá ser inglés ou francés.

d) Cuarta parte. Resposta por escrito a unha serie de cuestións relativas aos contidos das materias de Ciencias para o mundo contemporáneo, Filosofía e cidadanía, Historia da filosofía e Historia de España.

5. O segundo exercicio, diferente para cada modalidade, versará sobre as materias de modalidade establecidas no artigo 7 do Decreto 126/2008, do 19 de xuño, polo que se establece a ordenación e o currículo do bacharelato na Comunidade Autónoma de Galicia. Avaliará o logro dos obxectivos propios do bacharelato e a adquisición das destrezas básicas das materias de modalidade, como a comprensión de conceptos, o manexo da linguaxe científica, a resolución de problemas e as capacidades de analizar, relacionar e sintetizar.

O aspirante realizará os exercicios correspondentes ás materias obrigatorias da modalidade que seleccione, e doutras catro elixidas de acordo coas especificacións do anexo V.



Para cada unha das partes do segundo exercicio integraranse nun mesmo exame cuestións das materias incluídas nelas.

#### 9. Normas de realización da proba.

1. Entre as 8.30 e as 9.00 horas realizarase o chamamento para o acceso aos espazos de realización da proba. Os aspirantes identificaranse debidamente con DNI ou pasaporte antes de entrar neles.

2. A sesión da mañá durará das 9.00 ás 14.30 horas e dedicarase á realización do exercicio correspondente ás materias comúns. Organizarase en dous períodos:

Primeiro, das 9.00 ás 12.00 horas: realizaranse os exames correspondentes ás materias comúns Lingua galega e literatura (I e II) e Lingua castelá e literatura (I e II). Ao comezo deste período, o tribunal repartirá entre os aspirantes os exames correspondentes a ambas as linguas, para que estes dosifiquen o tempo dispoñible de acordo coas súas preferencias.

Segundo período, das 12.30 ás 14.30 horas: realizaranse os exames correspondentes a Lingua estranxeira (I e II) e cuestións de Ciencias para o mundo contemporáneo, Filosofía e cidadanía, Historia da filosofía e Historia de España. Igualmente, ao comezo deste período, o tribunal repartirá entre os aspirantes os dous exames para que estes dosifiquen o tempo dispoñible de acordo coas súas preferencias.

3. A sesión da tarde dedicarase á realización do exercicio das materias de modalidade, de acordo coas especificacións do anexo V, e durará das 16.30 ás 20.30 horas. Organizarase en tres períodos:

Primeiro, das 16.30 ás 18.00 horas: realizarase a parte ou exame correspondente ás materias de modalidade obrigatorias.

Segundo, das 18.00 ás 19.00 horas: realizarase a parte segunda das probas de modalidade. Os aspirantes escollerán unha entre as dúas opcións sinaladas para esa segunda parte na modalidade de Humanidades e ciencias sociais ou unha entre as catro opcións da modalidade de Ciencias e tecnoloxía.

Terceiro, das 19.30 ás 20.30 horas: realizarase a parte terceira das probas de modalidade. Os aspirantes escollerán unha entre as tres opcións sinaladas para a terceira parte na modalidade de Humanidades e ciencias sociais ou unha entre as tres opcións sinaladas para a modalidade de Ciencias e tecnoloxía.





4. Os aspirantes poderán utilizar os seguintes materiais na realización da proba:

a) Nas materias que implican operacións numéricas (exames con contidos de matemáticas, matemáticas aplicadas ás ciencias sociais, física e química, física, química, electrotecnia, tecnoloxía industrial e economía) poderán utilizar unha calculadora científica, agás as que sexan programables, gráficas ou con capacidade para almacenar e transmitir datos.

b) Nas materias de latín e grego, dicionario desas linguas.

c) Na materia de debuxo técnico, portaminas ou lapis, goma, regra milimetrada, escuadro, cartabón e compás.

Os aspirantes non poderán utilizar durante a realización da proba teléfono móbil nin calquera outro dispositivo de almacenamento ou transmisión de datos.

10. Certificación e expedición do título.

1. A acta de avaliación recollerá os resultados de cada un dos exercicios e, se é o caso, a validación destes (anexo VI).

2. O tribunal deixará tamén constancia das cualificacións obtidas polos aspirantes nas diferentes partes do exercicio segundo, de materias de modalidade (anexo VII), para os efectos da certificación mencionada na epígrafe 4 deste punto.

3. O tribunal utilizará os modelos que figuran nos anexos VIII e IX para expedir aos aspirantes as certificacións de ter superado algún dos exercicios ou de ser propostos para a expedición do título de bacharel.

4. As persoas que superen os dous exercicios ou as que tivesen validado o primeiro exercicio e superen o segundo poderán solicitar unha certificación das cualificacións obtidas en cada unha das partes do segundo exercicio, de materias de modalidade, para que poidan xuntala á documentación de solicitude de prazas en ensinanzas de ciclos de formación profesional de grao superior. O tribunal estenderá esa certificación segundo o modelo do anexo X.

5. Concluído o proceso de avaliación, a presidencia do tribunal remitirá a ficha estatística do anexo XI ao correo electrónico [educadultos@edu.xunta.es](mailto:educadultos@edu.xunta.es) do Servizo de Xestión Económica e Educación de Persoas Adultas da Dirección Xeral de Educación, Formación Profesional e Innovación Educativa.





6. Concluído ese proceso de avaliación por parte do tribunal, as certificacións posteriores solicitadas polos aspirantes serán asinadas polo director ou directora e polo secretario ou secretaria do centro onde se custodia a documentación das probas.

Disposición derradeira única

Esta resolución entrará en vigor o día seguinte da súa publicación no *Diario Oficial de Galicia*.

Santiago de Compostela, 13 de xaneiro de 2016

Manuel Corredoira López  
Director xeral de Educación, Formación Profesional e Innovación Educativa




**XUNTA DE GALICIA**

 CONSELLERÍA DE CULTURA, EDUCACIÓN  
E ORDENACIÓN UNIVERSITARIA

ANEXO I

PROCEDEMENTO	CÓDIGO DO PROCEDEMENTO	DOCUMENTO
<b>INSCRIPCIÓN PARA A PROBA PARA A OBTENCIÓN DO TÍTULO DE BACHAREL PARA MAIORES DE VINTE ANOS</b>	<b>ED534A</b>	<b>SOLICITUDE</b>

<b>DATOS DA PERSOA SOLICITANTE</b>							
NOME	PRIMEIRO APELIDO	SEGUNDO APELIDO	NIF				
<input type="text"/>	<input type="text"/>	<input type="text"/>	<input type="text"/>				
TIPO DE VÍA	NOME DA VÍA	NÚMERO	BLOQUE	ANDAR	PORTA		
<input type="text"/>	<input type="text"/>	<input type="text"/>	<input type="text"/>	<input type="text"/>	<input type="text"/>		
PARROQUIA				LUGAR			
<input type="text"/>				<input type="text"/>			
CP	PROVINCIA	CONCELLO		LOCALIDADE			
<input type="text"/>	<input type="text"/>	<input type="text"/>		<input type="text"/>			
TELÉFONO	TELÉFONO MÓBIL	CORREO ELECTRÓNICO					
<input type="text"/>	<input type="text"/>	<input type="text"/>					

<b>E, NA SÚA REPRESENTACIÓN</b> (deberá acreditarse a representación fidedigna por calquera medio válido en dereito)			
NOME	PRIMEIRO APELIDO	SEGUNDO APELIDO	NIF
<input type="text"/>	<input type="text"/>	<input type="text"/>	<input type="text"/>

<b>ENDEREZO PARA OS EFECTOS DE NOTIFICACIÓN</b> (non é necesario se coincide co anterior)							
TIPO DE VÍA	NOME DA VÍA	NÚMERO	BLOQUE	ANDAR	PORTA		
<input type="text"/>	<input type="text"/>	<input type="text"/>	<input type="text"/>	<input type="text"/>	<input type="text"/>		
PARROQUIA				LUGAR			
<input type="text"/>				<input type="text"/>			
CP	PROVINCIA	CONCELLO		LOCALIDADE			
<input type="text"/>	<input type="text"/>	<input type="text"/>		<input type="text"/>			
TELÉFONO	TELÉFONO MÓBIL	CORREO ELECTRÓNICO					
<input type="text"/>	<input type="text"/>	<input type="text"/>					

<b>EXERCICIOS DOS QUE SE EXAMINARÁ</b> (marque cunha cruz a opción elixida)	
<input type="checkbox"/> Exercicio 1, de materias comúns	<input type="checkbox"/> Exercicio 2, de materias de modalidade

<b>EXERCICIOS DOS QUE SOLICITA CONVALIDACIÓN</b> (marque cunha cruz a opción elixida)	
<input type="checkbox"/> Exercicio 1, de materias comúns	<input type="checkbox"/> Exercicio 2, de materias de modalidade

<b>IDIOMA ESTRANXEIRO DO EXERCICIO 1</b> (marque cunha cruz a opción elixida)	
<input type="radio"/> Inglés	<input type="radio"/> Francés

<b>EXERCICIO 2 - MATERIAS DE MODALIDADE</b> (marque unha modalidade e, dentro dela, as opcións elixidas. O exercicio de materias obrigatorias realizarase en primeiro lugar)	
<input type="checkbox"/> HUMANIDADES E CIENCIAS SOCIAIS	<input type="checkbox"/> CIENCIAS E TECNOLOXÍA
Parte 2: sinala cunha cruz unha opción	Parte 2: sinala cunha cruz unha opción
<input type="checkbox"/> Matemáticas aplicadas ás ciencias sociais (I e II)	<input type="checkbox"/> Física e química e Física
<input type="checkbox"/> Latín (I e II)	<input type="checkbox"/> Física e química e Química
	<input type="checkbox"/> Física e química e Electrotecnia
	<input type="checkbox"/> Debuxo técnico (I e II)
Parte 3: sinala cunha cruz unha opción	Parte 3: sinala cunha cruz unha opción
<input type="checkbox"/> Economía e Economía da empresa	<input type="checkbox"/> Bioloxía e xeoloxía e Bioloxía
<input type="checkbox"/> Grego (I e II)	<input type="checkbox"/> Bioloxía e xeoloxía e Ciencias da terra e medioambientais
<input type="checkbox"/> Literatura universal e Historia da arte	<input type="checkbox"/> Tecnoloxía industrial (I e II)





**XUNTA DE GALICIA**  
 CONSELLERÍA DE CULTURA, EDUCACIÓN  
 E ORDENACIÓN UNIVERSITARIA

**ANEXO I**  
 (continuación)

**RECOÑECEMENTO DE NECESIDADES ESPECIAIS**

Presenta discapacidade que necesita adaptación para a realización das probas:  SI  NON

Especifique discapacidade e adaptación necesaria:

**EXENCIÓN DE LINGUA GALEGA**

Solicita a exención de Lingua galega e literatura (I e II) por proceder doutra comunidade autónoma ou dun país estranxeiro, nos termos establecidos polo artigo 18.1 do Decreto 79/2010, do 20 de maio (marcar cun x o que proceda):

SI  NON

**A PERSOA SOLICITANTE OU REPRESENTANTE DECLARA**

Que non está en posesión do título de bacharel nin se atopa matriculada en ensinanza oficial de bacharelato nin estivo matriculada nelas no presente curso escolar por calquera réxime ou modalidade.

**DOCUMENTACIÓN QUE SE PRESENTA OU SE DECLARA ESTAR EN PODER DA ADMINISTRACIÓN ACTUANTE**

Copia do DNI ou NIE, só no caso de non autorizar a súa consulta

	PRESENTADO	CÓD. PROC.	EXPTE.	ANO
<input type="checkbox"/> Certificación do ditame de discapacidade, cando este fose emitido por unha Administración distinta da Xunta de Galicia ou no caso de non autorizar a súa consulta	<input type="checkbox"/>			
<input type="checkbox"/> Acreditación de proceder doutra comunidade autónoma ou dun país estranxeiro	<input type="checkbox"/>			
<input type="checkbox"/> Certificacións académicas ou copia do libro de escolaridade e/ou historial académico onde se acredite ter superado materias para validez algún exercicio	<input type="checkbox"/>			

Autorizo a Consellería de Cultura, Educación e Ordenación Universitaria, de conformidade co artigo 35.f) da Lei 30/1992, do 26 de novembro, de réxime xurídico das administracións públicas e do procedemento administrativo común, e o artigo 4 da Orde do 12 de xaneiro de 2012 pola que se regula a habilitación de procedementos administrativos e servizos na Administración xeral e no sector público autonómico de Galicia, para consultar a documentación indicada anteriormente.

Así mesmo, declaro que a dita documentación está vixente e que non transcorreron máis de cinco anos desde a finalización do procedemento a que corresponde.

Autorizo a Consellería de Cultura, Educación e Ordenación Universitaria para consultar os datos de identidade da persoa solicitante no Sistema de verificación de datos de identidade do Ministerio de Facenda e Administracións Públicas, de conformidade co artigo 2 do Decreto 255/2008, do 23 de outubro, e a Orde da Consellería de Presidencia, Administracións Públicas e Xustiza do 7 de xullo de 2009.

SI  NON (neste caso achegarase a documentación correspondente)

Autorizo a Consellería de Cultura, Educación e Ordenación Universitaria para consultar os datos do ditame de discapacidade que constan en poder da Administración autonómica, de conformidade co artigo 4 do Decreto 255/2008, do 23 de outubro, polo que se simplifica a documentación para a tramitación dos procedementos administrativos e se fomenta a utilización de medios electrónicos.

SI  NON (neste caso achegarase a documentación correspondente)

En cumprimento do disposto no artigo 5 da Lei orgánica 15/1999, do 13 de decembro, de protección de datos de carácter persoal, infórmase de que os datos persoais que facilite neste formulario quedarán rexistrados nun ficheiro de titularidade da Xunta de Galicia co obxecto de xestionar o presente procedemento. A persoa interesada poderá exercer os dereitos de acceso, rectificación, cancelación e oposición ante a Secretaría Xeral Técnica da Consellería de Cultura, Educación e Ordenación Universitaria, como responsable do ficheiro, solicitándoo mediante o envío dun correo electrónico a [sxeefp@edu.xunta.es](mailto:sxeefp@edu.xunta.es).

**LEXISLACIÓN APLICABLE**

Orde do 10 de febreiro de 2012 pola que se regula a proba para a obtención do título de bacharel para persoas maiores de vinte anos na Comunidade Autónoma de Galicia.

Resolución do 13 de xaneiro de 2016, da Dirección Xeral de Educación, Formación Profesional e Innovación Educativa, pola que se convoca a proba para a obtención do título de bacharel para maiores de vinte anos e se ditan instrucións para a súa realización.

**SINATURA DA PERSOA SOLICITANTE OU REPRESENTANTE**

Lugar e data

 ,  de  de 



Nome do centro



**XUNTA DE GALICIA**

ISSN1130-9229

Depósito legal C.494-1998

<http://www.xunta.es/diario-oficial-galicia>



**ANEXO II**  
**Proba para a obtención do título de bacharel para maiores de vinte anos**  
**Convocatoria de abril de 2016**  
**Lista de aspirantes admitidos**

Apelidos e nome	Inscrito para realizar o exercicio		Validación do exercicio I coa cualificación seguinte (2)	Validación do exercicio II coa cualificación seguinte na modalidade de			Exención de lingua galega (3)
	I (1)	II (1)		Humanidades e ciencias sociais (2)	Ciencias e tecnoloxía (2)	Artes (2)	

- (1) Indicar cunha cruz [X] a proba ou probas nas que o aspirante está inscrito.
- (2) CUALIFICACIÓNS: nota numérica entre 5 e 10.
- (3) Indicar SI, no caso de que se concedese unha exención solicitada e NON, no caso contrario.

CVE-DOG: dx9cbvf3-0id0-afd1-6g67-byvaku4p93x0



ANEXO II  
(segunda parte)

**Proba para a obtención do título de bacharel para maiores de vinte anos  
Convocatoria de abril de 2016  
Lista de aspirantes excluídos**

Apelidos e nome	Razón da exclusión



## ANEXO III

**Validación de exercicios da proba por grupos de materias superadas no bacharelato**

<b>Primeiro exercicio: materias comúns</b>	
<b>Materias comúns superadas no bacharelato</b>	<b>Validación na proba</b>
Lingua galega e literatura I e II, Lingua castelá e literatura I e II, Lingua estranxeira I e II, Ciencias para o mundo contemporáneo, Filosofía e cidadanía, Historia da filosofía, Historia de España.	Primeiro exercicio: materias comúns.

<b>Segundo exercicio: materias de modalidade</b> (Os aspirantes que teñan superada unha materia doutra modalidade diferente á elixida deberán ter superadas tres materias de 2º curso da modalidade elixida).			
<b>Humanidades e ciencias sociais</b>		<b>Ciencias e tecnoloxía</b>	
<b>Materias superadas</b>	<b>Validación na proba</b>	<b>Materias superadas</b>	<b>Validación na proba</b>
As materias obrigatorias: - Historia do mundo contemporáneo. - Xeografía.	Segundo exercicio	As materias obrigatorias: - Matemáticas I. - Matemáticas II.	Segundo exercicio
E catro destas materias (dúas de primeiro curso e dúas de segundo): - Economía. - Grego I. - Latín I. - Matemáticas aplicadas ás ciencias sociais I. - Economía da empresa. - Matemáticas aplicadas ás ciencias sociais II. - Grego II. - Latín II. - Historia da arte. - Literatura universal.		E catro destas materias (dúas de primeiro curso e dúas de segundo): - Bioloxía e xeoloxía. - Debuxo técnico I. - Física e química. - Tecnoloxía industrial I. - Bioloxía. - Ciencias da Terra e ambientais. - Debuxo técnico II. - Electrotecnia. - Química. - Física. - Tecnoloxía industrial II	



ANEXO III  
 (segunda parte)

ARTES ESCÉNICAS, MÚSICA E DANZA		ARTES PLÁSTICAS, IMAXE E DESEÑO	
Materias superadas	Validación na proba	Materias superadas	Validación na proba
<i>As materias obrigatorias:</i> - Cultura audiovisual - Historia da música e da danza.	Segundo exercicio.	<i>As materias obrigatorias:</i> - Cultura audiovisual - Técnicas de expresión gráfico-plástica.	Segundo exercicio.
<i>E catro destas materias (dúas de 1º curso e dúas de 2º):</i> - Análise musical I. - Anatomía aplicada. - Linguaxe e práctica musical. - Análise musical II. - Artes escénicas. - Literatura universal.		<i>E catro destas materias (dúas de 1º curso e dúas de 2º):</i> - Volume. - Debuxo artístico I. - Debuxo técnico I. - Debuxo artístico II. - Debuxo técnico II. - Deseño. - Historia da arte.	





## ANEXO IV

**Número de aspirantes inscritos para realizar a proba para a obtención do título de bacharel para maiores de vinte anos (convocatoria de abril de 2016)**

Centro \_\_\_\_\_ Provincia \_\_\_\_\_

1º EXERCICIO	Núm. aspirantes

1º EXERCICIO	Núm. aspirantes
Inglés	
Francés	

2º EXERCICIO	Núm. aspirantes

2º EXERCICIO				
HUMANIDADES E CIENCIAS SOCIAIS		Núm. aspirantes	CIENCIAS E TECNOLOXÍA	Núm. aspirantes
	Matemáticas aplicadas ás ciencias sociais (I e II).		Física e química e Física.	
	Latín (I e II).		Física e química e Química.	
	Economía e Economía da empresa.		Física e química e Electrotecnia.	
	Grego (I e II).		Debuxo técnico (I e II).	
	Literatura universal e Historia da arte.		Bioloxía e xeoloxía e Bioloxía.	
			Bioloxía e xeoloxía e Ciencias da Terra e ambientais.	
			Tecnoloxía industrial (I e II).	



**ANEXO V**  
**Modalidades e vías**

<b>CIENCIAS E TECNOLOXÍA</b>	
<b>Parte 1</b>	Matemáticas (I e II)
<b>Parte 2: unha destas opcións</b>	Física e química e Física
	Física e química e Química
	Física e química e Electrotecnia
	Debuxo técnico (I e II)
<b>Parte 3: unha destas opcións</b>	Bioloxía e xeoloxía e Bioloxía
	Bioloxía e xeoloxía e Ciencias da Terra e ambientais
	Tecnoloxía industrial (I e II)

<b>HUMANIDADES E CIENCIAS SOCIAIS</b>	
<b>Parte 1</b>	Historia do mundo contemporáneo e Xeografía
<b>Parte 2: unha destas opcións</b>	Matemáticas aplicadas ás ciencias sociais (I e II)
	Latín (I e II)
<b>Parte 3: unha destas opcións</b>	Economía e Economía da empresa
	Grego (I e II)
	Literatura universal e Historia da arte





**ANEXO VI**  
**Modelo de acta de avaliación**  
**Proba para a obtención do título de bacharel para maiores de vinte anos**

Convocatoria: abril 2016

Folla número \_\_\_\_\_

Centro onde se realizaron as probas:				Datos estatísticos					
Localidade:				1. Número de aspirantes					
				2. Número de aspirantes propostos para título					
Núm. de orde	Apelidos e nome	Modalidade [1]	Idioma [2]	Cualificación 1º exercicio (materias comúns) [3]	Validación 1º exercicio (materias comúns) [3]	Cualificación 2º exercicio (materias de modalidade) [3]	Validación 2º exercicio (materias de modalidade) [3]	Nota final [4]	Titula [5]

- (1) Escribir: HCS (Humanidades e ciencias sociais); CT (Ciencias e tecnoloxía); AEMD (Artes, vía de artes escénicas, música e danza); APDI (Artes, vía de artes plásticas, deseño e imaxe).
- (2) Escribir: I (Inglés); F (Francés).
- (3) CUALIFICACIÓNS: nota numérica entre 0 e 10, Non presentado (NP).
- (4) NOTA FINAL: media aritmética dos exercicios, expresada con dous decimais.
- (5) TITULA: escribir SI ou NON.

A presente acta comprende..... aspirantes e acaba con.....

..... de ..... de 2016

Visto e prace O/A presidente/a,

Vogais

O/A secretario/a do tribunal



**ANEXO VII**  
**Modelo de lista de cualificacións de materias de modalidade**  
**Proba para a obtención do título de bacharel para maiores de vinte anos**

Convocatoria: abril 2016

Folla \_\_ Número \_\_

Centro onde se realizaron as probas: Localidade:															
	<b>Modalidade de Humanidades e ciencias sociais</b>							<b>Modalidade de Ciencias e tecnoloxía</b>							
Núm. de orde	Apelidos e nome	Historia do mundo contemporáneo e Xeografía	Matemáticas aplicadas ás ciencias sociais (I e II)	Latín (I e II)	Economía e Economía da empresa	Grego (I e II)	Literatura universal e Historia da arte	Matemáticas (I e II)	Física e química e Física	Física e química e Química	Física e química e Electrotecnia	Debuxo técnico (I e II)	Bioloxía e xeoloxía e Bioloxía	Bioloxía e xeoloxía e Ciencias da Terra e ambientais	Tecnoloxía industrial (I e II)

(\* ) CUALIFICACIÓNS: nota numérica entre 0 e 10, sen decimais; Non presentado (NP).

..... de ..... de 2016

Visto e prace O/A presidente/a

Vogais

O/A secretario/a do tribunal

## ANEXO VIII

CONSELLERÍA DE CULTURA, EDUCACIÓN E ORDENACIÓN UNIVERSITARIA. Dirección Xeral de Educación, Formación Profesional e Innovación Educativa	Proba para a obtención do título de bacharel para maiores de vinte anos - Orde do 10 de febreiro de 2012. - Resolución do 13 de xaneiro de 2016.
---	--

**CERTIFICADO**

Don/Dona \_\_\_\_\_,

Secretario/a do tribunal da proba para a obtención do título de bacharel para persoas maiores de vinte anos na convocatoria de abril de 2016, celebrada no centro

\_\_\_\_\_ (consígnese centro e localidade)

**CERTIFICA:** que Don/Dona

\_\_\_\_\_,

con DNI \_\_\_\_\_, ten superado (1) \_\_\_\_\_

da proba coa cualificación que se expresa (2) \_\_\_\_\_.

(1) *Indíquese "o primeiro exercicio: materias comúns" ou "o segundo exercicio: materias de modalidade".*(2) *Indíquese a cualificación correspondente.*

\_\_\_\_\_, \_\_\_\_ de \_\_\_\_\_ de 2016

Visto e prace O presidente/ A presidenta

O secretario/ A secretaria



## ANEXO IX

CONSELLERÍA DE CULTURA, EDUCACIÓN E ORDENACIÓN UNIVERSITARIA. Dirección Xeral de Educación, Formación Profesional e Innovación Educativa	Proba para a obtención do título de bacharel para maiores de vinte anos - Orde do 10 de febreiro de 2012. - Resolución do 13 de xaneiro de 2016.
---	--

**CERTIFICADO**

Don/Dona \_\_\_\_\_,

Secretario/a do tribunal da proba para a obtención do título de bacharel para persoas maiores de vinte anos na convocatoria de abril de 2016, celebrada no centro

\_\_\_\_\_ (consignese centro e localidade)

**CERTIFICA:** que Don/Dona

\_\_\_\_\_, con DNI \_\_\_\_\_, ten superado os dous exercicios que integran a proba na modalidade de (1) \_\_\_\_\_ coa cualificación que se expresa \_\_\_\_\_ e que, unha vez aboadas as taxas correspondentes, será proposto para a expedición do título de bacharel.

(1) *Indíquese a modalidade e vía.*

\_\_\_\_\_, a \_\_\_\_ de \_\_\_\_\_ de 2016

Visto e prace O presidente/ A presidenta

O secretario/ A secretaria



## ANEXO X

Don/Dona \_\_\_\_\_,

Secretario/a do tribunal da proba para a obtención do título de bacharel para persoas maiores de vinte anos na convocatoria de abril de 2016, celebrada no centro \_\_\_\_\_ (consígnese centro e localidade)

**CERTIFICA:** que Don/Dona \_\_\_\_\_, con DNI \_\_\_\_\_, obtivo as seguintes cualificacións no segundo exercicio, de materias de modalidade:

MODALIDADE DE HUMANIDADES E CIENCIAS SOCIAIS	CUALIFICACIÓN *	MODALIDADE DE CIENCIAS E TECNOLOXÍA	CUALIFICACIÓN *
Historia do mundo contemporáneo e Xeografía		Matemáticas (I e II)	
Matemáticas aplicadas ás ciencias sociais (I e II)		Física e química e Física	
Latín (I e II)		Física e química e Química	
Economía e Economía da empresa		Física e química e Electrotecnia	
Grego (I e II)		Debuxo técnico (I e II)	
Literatura universal e Historia da arte		Bioloxía e xeoloxía e Bioloxía	
		Bioloxía e xeoloxía e Ciencias da Terra e ambientais	
		Tecnoloxía industrial (I e II)	

(\*) CUALIFICACIÓNS: nota numérica entre 4 e 10, sen decimais.

\_\_\_\_\_, \_\_\_\_ de \_\_\_\_\_ de 2016

Visto e prace O presidente/ A presidenta

O secretario/ A secretaria





**ANEXO XI**  
**Estadística xeral**  
**Proba para a obtención do título de bacharel para maiores de vinte anos**

Centro:

Localidade:

Provincia:

Data de realización da proba: 22 de abril de 2016.

Número total de aspirantes inscritos/as .....

Número total de aspirantes presentados/as .....

Número total de aspirantes cun exercicio superado .....

Número total de aspirantes propostos/as para título.....

**1.- NÚMERO TOTAL DE ASPIRANTES PRESENTADOS/AS, SEGUNDO IDADE E SEXO**

	ATA 25	26-35	36-45	46-55	56-65	Máis de 65
Homes						
Mulleres						
Total						

**2.- PERSOAS CON NECESIDADES EDUCATIVAS ESPECIAIS, SEGUNDO IDADE E SEXO**

	ATA 25	26-35	36-45	46-55	56-65	Máis de 65
Homes						
Mulleres						
Total						

**3.- NÚMERO TOTAL DE ASPIRANTES PRESENTADOS/AS QUE SE PROPOÑEN PARA A OBTENCIÓN DO TÍTULO DE BACHAREL**

	ATA 25	26-35	36-45	46-55	56-65	Máis de 65
Homes						
Mulleres						
Total						

(Selo do centro)

